

SKUPŠTINA KANTONA SARAJEVO

**ZAPISNIK SA
11. RADNE SJEDNICE SKUPŠTINE KANTONA SARAJEVO,
ODRŽANE 01.02.2016. GODINE SA POČETKOM RADA U 10,00 SATI**

Sarajevo, FEBRUAR 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Mešanović Safet
7. Kozadra Muhamed
8. Okerić Elmedin
9. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Mehmedagić Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Lakota Rasim
4. Pecikoza Fahrudin
5. Marić Zvonko
6. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel

TOK SJEDNICE

11. Radnu sjednicu Skupštine Kantona Sarajevo 01. februara 2016.godine u 10,00 sati, otvorila je predsjedateljica Ana Babić.

Prema evidenciji Službe sjednici su na otvaranju prisustvovala 33 poslanika/zastupnika, što je dovoljan broj za punovažan rad i odlučivanje, a izostanak sa ove sjednice opravdano je najavio poslanik/zastupnik: Selma Filipović, a kašnjenje je najavio poslanik/zastupnik Amor Mašović.

UTVRĐIVANJE DNEVNOG REDA

Prijedlog dnevnog reda 11. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 20.01.2016.godine.

Nadalje, na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, br: 41/12, 15/13 i 47/13), Kolegij Skupštine Kantona Sarajevo prihvatio je da se Prijedlog dnevnog reda 11. Radne sjednice, dopuni sa sljedećim tačkama:

1. Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (razmatraće se kao tačka 4.);
2. Prijedlog programa rada Skupštine Kantona Sarajevo za 2016. godinu (razmatraće se kao tačka 7.);
3. Prijedlog Odluke o potvrđivanju razrješenja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (razmatraće se kao tačka 8a.).
4. Prijedlog Odluke o potvrđivanju imenovanja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (razmatraće se kao tačka 8b.).
5. Izvještaj o izvršenju Budžeta Kantona Sarajevo za period 01.01. do 31.12.2014. godine. (razmatraće se kao tačka 10.).

Prije prelaska na utvrđivanje Dnevnog reda predsjedateljica je, u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, u okviru prethodnog postupka, otvorila razmatranje Prijedloga zakona o izmjeni Zakona o plaćama i naknadama u organima vlasti Kantona Sarajevo.

Nije bilo pitanja niti diskusije na ovu temu, te je predsjedateljica pozvala prisutne zastupnike da se glasanjem izjasne da se Prijedlog zakona o izmjeni Zakona o plaćama i naknadama u organima vlasti Kantona Sarajevo donese po hitnom postupku.

Skupština je većinom glasova (33 ZA,) usvojila Prijedlog da se Zakon o izmjeni Zakona o plaćama i naknadama u organima vlasti Kantona Sarajevo donese po hitnom postupku. Predsjedateljica je predložila sljedeći dnevni red na izjašnjavanje:

1. Poslanička/zastupnička pitanja, inicijative i odgovori;
2. Prijedlog zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo (skraćeni postupak);
3. Prijedlog zakona o izmjenama i dopunama Zakona o pozorišnoj djelatnosti (skraćeni postupak);
4. Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo;
5. Prijedlog zakona o izmjeni Zakona o plaćama i naknadama u organima vlasti Kantona Sarajevo (hitni postupak);
6. Nacrt zakona o naučnoistraživačkoj djelatnosti;
7. Prijedlog programa rada Skupštine Kantona Sarajevo za 2016. godinu;
8.
 - a. Prijedlog Odluke o potvrđivanju razrješenja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo;
 - b. Prijedlog Odluke o potvrđivanju imenovanja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo;
9. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
10. Izvještaj o izvršenju Budžeta Kantona Sarajevo za period 01.01. do 31.12.2014. godine;
11.
 - a) Izvještaj o radu i poslovanju JP „Televizija Kantona Sarajevo“ d.o.o. Sarajevo za 2013. godinu;
 - b) Izvještaj o radu i poslovanju JP „Televizija Kantona Sarajevo“ d.o.o. Sarajevo za 2014. godinu;
12.
 - a) Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2013. godinu;
 - b) Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2014. godinu.
13.
 - a) Izvještaji o poslovanju KJKP "Rad" d.o.o. i KJKP "Sarajevogas" d.o.o., za 2013. godinu;
 - b) Izvještaji o poslovanju KJKP „Tržnice i pijace“ d.o.o., KJKP „Rad“ d.o.o., i KJKP „Sarajevogas“ d.o.o., za 2014. godinu;
14. Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo;

Prijedlog dnevnog reda je jednoglasno usvojen („ZA“ 33).

Predsjedavajuća je navela da su poslanicima/zastupnicima dostavljeni sljedeći informativni materijali:

- a. Izvještaj o zaduženju Kantona Sarajevo kod Sberbank d.d. Sarajevo broj: JN-ZP-08-01-14-18572-19/15, koji je podnio ministar finansija Kantona Sarajevo.
- b. Informacija Ministarstva za obrazovanje, nauku i mlade Kantona Sarajevo, informativno, o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;

- c. Informacija Ministarstva za rad, socijalnu politiku, raseljena lica i izbjeglice Kantona Sarajevo, informativno, o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
- d. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period decembar 2015. godine;
- e. Informacija Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016., o učinjenim mjerama koje su predviđene navedenim Akcionim planom

Prije prelaska na realizaciju prve tačke dnevnog reda zastupnici su razmatrali Zapisnike sa Stenogramima sa Sedme, Osme i Devete radne sjednice Skupštine Kantona Sarajevo. Kako nije bilo primjedbi na iste, odmah se pristupilo izjašnjavanju.

Zapisnik sa Sedme radne sjednice Skupštine Kantona Sarajevo održane 07.10.2015.godine je usvojen jednoglasno (33 „ZA“).

Zapisnik sa Osme radne sjednice Skupštine Kantona Sarajevo održane 12.11.2015.godine je usvojen jednoglasno (33 „ZA“).

Zapisniku sa Devete radne sjednice Skupštine Kantona Sarajevo održane 21.12.2015.godine je usvojen jednoglasno (33 „ZA“).

Potom se prešlo na realizaciju prve tačke dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica je davala riječ prijavljenim zastupnicima po abecednom redu.

Zastupnik Hamed Aljović je postavio dva zastupnička pitanja:

„Moje prvo pitanje je upućeno premijeru Kantona Sarajevo. Molim premijera Kantona Sarajevo da mi odgovori da li će Vlada Kantona Sarajevo poduzeti sankcije prema odgovornim osobama u Ministarstvu obrazovanja, nauke i mladih Kantona Sarajevo zbog nepoštivanja Pravilnika o izboru i imenovanju te načinu rada školskih nadzornih odbora u osnovnim školama u Kantonu Sarajevo.

Obrazloženje: prema članu 13 stav 1 Pravilnika o izboru i imenovanju načinu rada školskih nadzornih odbora u osnovnim školama u Kantonu Sarajevo za člana školskog nadzornog odbora u postupku imenovanja ne može biti izabrana osoba koja je član više od jednog organa upravljanja ili nadzora bilo kojeg pravnog lica. Na 9. radnoj sjednici Skupština Kantona Sarajevo u okviru tačke Dnevnog reda Zastupnička pitanja i inicijative i odgovori postavio sam pitanje prema Ministarstvu za obrazovanje, nauku i mlade Kantona Sarajevo. Dobio sam odgovor iz kojeg se vidi očigledno da su uposlenici ministarstva kršili pomenuti Pravilnik.

Moje drugo pitanje upućeno je prema Ministarstvu za rad, socijalnu politiku i raseljena lica i izbjeglice. Molim Ministarstvo za rad, socijalnu politiku, raseljena lica i izbjeglice da mi odgovori kada je kod ovog ministarstva pokrenuta i kada će biti završen upravni postupak utvrđivanja reprezentativnosti sindikata za djelatnost osnovnog odgoja i obrazovanja u Kantonu Sarajevo, a u skladu sa Zakonom o radu FBiH“.

Zastupnik Neira Avdibegović je postavila dva zastupnička pitanja:

„Prvo zastupničko pitanje vezano je za Inicijativu koju sam podnijela na 6. radnoj sjednici Skupština Kantona Sarajevo. Za uvođenje dvokratnog radnog vremena u vrtićima JU Djeca Sarajeva. Nakon što sam dobila odgovor ministarstva za obrazovanje nauku i mlade i JU Djeca Sarajeva u kojem je navedeno da ne postoji potrebna zainteresovanost roditelja za uvođenjem druge smjene u vrtiće, javili su mi se nezadovoljni roditelji mališana koji koriste usluge vrtića Djeca Sarajeva. Naime, prema informacijama koje sam dobila moja inicijativa je provedena na način da je roditeljima ponuđeno da se izjasne da li će njihovo dijete koristiti uvijek i isključivo samo prvu ili samo drugu smjenu. Ovo je primjer apsolutno pogrešne interpretacije moje zastupničke inicijative. Naravno da se na ovako koncipiran upitnik roditelji izjašnjavaju za prvu smjenu jer je lakše naći način da se dijete zbrine u poslijepodnevnim satima. Cilj moje inicijative je bio maksimalno prilagođavanje potrebama roditelja koji se danas bave zanimanjima koja zahtijevaju rad u smjenama i dežurstva tako da radni dan nerijetko završava u kasnim večernjim satima. Stoga želim da mi se dostavi anketni upitnik iz kojeg je vidljivo na koji je način ispitano mišljenje roditelja po ovom pitanju. Također, znamo da je prije par mjeseci cijena vrtića povećana za 20 KM i tu nema apsolutno ništa sporno. Svima nam je cilj da se djeci pruži što bolji uvjeti boravka. Molim nadležne da mi odgovore gdje su usmjerena ova sredstva i na koji je način poboljšana prvenstveno ishrana mališana, kao i da li je tačna informacija da se u pojedinim vrtićima roditeljima svako dvije sedmice šalje posteljina na pranje. Odgovor očekujem u pismenoj formi u rokovima predviđenim Poslovnikom.

I druga zastupnička inicijativa, odnosno pitanje, upućeno je Ministarstvu privrede Kantona Sarajevo i KJP ZOI 84. Prema mojim saznanjima, radnici KJP ZOI 84 već duži vremenski period nisu upoznati sa odlukama uprave preduzeća, a koje su direktno vezane za ekonomski i socijalni položaj radnika, kao i sa načinom donošenja istih. Stoga zahtijevam odgovore na sljedeća pitanja:

- koji je razlog i zakonsko uporište donošenja odluke o minimalnoj plati?
- koja je planirana dinamika isplate zaostalih plata i toplih obroka?
- plan uplate zaostalih doprinosa i poreza na plate?
- Razlog obustavljanja realizacije administrativnih zabrana na platama radnika po osnovu kredita?
- i razlog obustavljanja obračuna sindikalne članarine bez pristanka radnika?

Zahtijevam od nadležnih pismeni odgovor da li su navedene informacije tačne i obrazloženje odgovora, naravno također u rokovima predviđenim Poslovnikom“.

Zastupnik Nermin Bjelak je postavio jedno zastupničko pitanje:

„Po Poslovniku Skupštine Kantona Sarajevo postavio bih zastupničko pitanje Tužilaštvu Kantona Sarajevo. A odnosi se na dugovanje FK Sarajevo prema Ministarstvu unutrašnjih poslova Kantona Sarajevo u iznosu od 455.446 KM pa me interesuje dokle je došlo sa ovim predmetom o potraživanju MUP-a Kantona Sarajevo prema spomenutom Klubu jer sva ova dugovanja su napravljena od 2013 do 2015 godine. Sa ovim sredstvima koja su u potraživanju MUP Kantona Sarajevo bi se adekvatno opremio zaposlio nove pripadnike policije i na neki način bi se pojačala sigurnost građana Kantona Sarajevo. Jer po nekim mojim saznanjima, koje imam koja se dešava u FK Sarajevo da treneri prvog tima imaju dvogodišnju platu između 600 i 800.000 KM da pojedini igrači imaju čak i po 12.000 eura platu a nemaju da plate dugovanja prema MUP Kantona Sarajevo. I građanima Kantona Sarajevo na ovaj način plaća sigurnost. Pa zato tražim od Tužilaštva Kantona Sarajevo da istraži ovaj predmet i da krene u realizaciju ovog dugovanja. A o spomenutom predmetu da mi se pismeno odgovori na poslaničko pitanje. Također tražim od Vlade Kantona Sarajevo da uspostavi svaku finansijsku pomoć dok se ne riješi ovaj predmet“.

Zastupnik Mirza Čelik je podnio jednu zastupničku inicijativu:

„Podnosim inicijativu Ministarstvu unutrašnjih poslova da se izvrši sistematizacija policijskih službenika u IV policijskoj upravi Ilidža iz razloga što je rađena 1991 godine kada je Ilidža imala 55.000 stanovnika a danas nezvanično živi oko 100.000 stanovnika te je u nedostatku oko 40 policijskih službenika.

Obrazloženje: građani Općine Ilidža su zabrinuti zbog učestalih krivičnih djela koja se dešavaju na teritoriji Općine te je neophodno da se uposle novi službenici policije kako bi građani mogli mirno da spavaju“.

Zastupnik Eldar Čomor je postavio jedno zastupničko pitanje i podnio jednu inicijativu:

„Zakon o komunalnim djelatnostima donesen je krajem 2004 godine. Član 3 ovog zakona određeno je ukupno 19 komunalnih djelatnosti a u članu 4 date su definicije istih. U stavu 2 člana 4 stoji podzakonskim aktima bliže će se regulisati obavljanje pojedinih komunalnih djelatnosti. Član 52 glasi: Vlada Kantona Sarajevo će u roku od dvije godine od dana stupanja na snagu ovog zakona donijeti podzakonske akte iz člana 4 stav 2 ovog zakona. Većina podzakonskih akata do danas nije donesena iz čega se da zaključiti da se Zakon o komunalnim djelatnostima ne primjenjuje odnosno nije ga moguće primijeniti u punom kapacitetu. Poznato je da je 2013 godine osam godina poslije donošenja zakona Vlada donijela uredbu o opštim uslovima za snadbijevanje vodom za piće obradu i odvođenje otpadnih i atmosferskih voda, SL novine Kantona Sarajevo 29/13. što se tiče komunalne čistoće ova oblast je još uvijek regulisana Zakonom o komunalnoj čistoći iako je predviđeno da bude regulisana podzakonskim aktom u skladu sa naprijed navedenim. Pitanje za Vladu Kantona Sarajevo i nadležna Ministarstva prostornog uređenja, koliko je podzakonskih akata od navedenih 19 doneseno u proteklih 11 godina od kad je Zakon na snazi te da li je do danas donesen podzakonski akt za oblast kavalerijskih usluga koja je naročito problematična u proteklih pet, šest godina od kada je na snazi državni Zakon o zaštiti i dobrobiti životinja.

Inicijativa: nekada poslije agresije na BIH u Kantonu Sarajevo došlo je do dodjele donacija ili poljoprivrednih kredita od strane Ministarstva privrede Kantona Sarajevo u vidu dodjele krupne stoke građanima koji su bili za to zainteresirani. Jedan dio te stoke je uginuo a drugi dio se nije mogao adaptirati a danas se građani suočavaju sa velikim problemom sudskih presuda na njihovu štetu jer je Ministarstvo privrede ovo tretiralo kao poljoprivredni kredit a Ministarstvo finansija je angažiralo banku kao agenta naplate. Danas je došlo do blokade imovine ovih građana. Uglavnom se radi o porodicama boračke populacije. I ja ću samo na kraju, neću ovo obrazložiti, tražim od Vlade Kantona Sarajevo i Ministarstva privrede i finansija da se odmah prekine progon navedenih kategorija od strane Intesa SanPaolo banke do rješavanja problema. Da Ministarstvo privrede i Ministarstvo finansija dostave informaciju o navedenom problemu i Skupštini Kantona Sarajevo ponude adekvatno rješenje u vidu otpisa nenaplativih dugova da oni koji su mogućnosti plate vrijednost dobivenog kredita i eventualno sudskih troškova. Pismeno ću dostaviti ostatak ove inicijative“.

Zastupnik Sabina Čudić je podnijela jednu zastupničku inicijativu :

„Mislim da ne moram posebno ulaziti u problematiku, odnosno objašnjenje činjenice da naši sugrađani i sugrađanke sa invaliditetima u 21. vijeku nemaju pristup javnom prevozu u glavnom gradu BIH. Iz tog razloga postavljam Inicijativu za nabavku adaptiranog vozila za potrebe osoba sa invaliditetom, odnosno tražim da Ministarstvo saobraćaja Kantona Sarajevo pokrene nabavku adaptiranog vozila za potrebe osoba sa invaliditetom, odnosno da u komunikaciji sa Grasom, taksi prevoznicima ili drugim zainteresovanim privatnim prevoznicima omogući subvencioniranje nabavke vozila i korištenje prevoza u komunikaciji sa udruženjima kako bi smo kao što sam rekla sugrađanima obezbjedili pristup javnom prevozu. Na kraju krajeva institucijama. U skladu s tim, nadovezujući se na ovu temu, moj

drugi prijedlog je za formiranje interresorne grupe za utvrđivanje potreba osoba sa invaliditetom, osiguranju fizičkog pristupa službama i društvenim aktivnosti, kao što znamo većina zgrada, odnosno javnih ustanova u Kantonu Sarajevo ne omogućava pristup osobama sa invaliditetom i iz tog razloga tražim da se zastupnici izjasne u vezi sa podrškom formiranju navedene grupe te aktivnostima koje trebamo preduzeti. Tražimo naravno aktivno učešće zastupnika i zastupnica u procesu pripreme i realizacije konkretnih aktivnosti i predlažem da nosilac aktivnosti bude Ministarstvo za rad, socijalnu politiku, raseljena lica i izbjeglice Kantona Sarajevo. S obzirom da zahtjeva izjašnjenje Skupštine, naravno zamolila bih da se kolege danas izjasne. Mi imamo predali smo na protokol u pismenom obliku inicijativu pa ako bi mogla da se podijeli zastupnicama i zastupnicima kako bi smo mogli se oglasiti, odnosno izjasniti se po ovom pitanju“.

Dopredsjedavajući Sabahudin Delalić je svoje dvije inicijative i jedno pitanje dostavio u pisanoj formi Službi za skupštinske poslove.

Zastupnik Amar Dovadžija je postavio jedno zastupničko pitanje i podnio jednu inicijativu upućene prema Ministarstvu za boračka pitanja Kantona Sarajevo:

„Pokrećem inicijativu za usklađivanje adekvatnu primjenu člana 33 i 40 Zakona o dopunskim pravima boraca/branitelja BIH Sl. Novine Kantona Sarajevo broj 45 od 31.10.2012 godine sa članom 9 Zakona o upravnom postupku.

Obrazloženje: na adresu Kluba SDA u Skupštini Kantona Sarajevo pristigla je molba gospođe Hajdarević Time iz Ilijaša, supruge šehida koja nas je upoznala sa problemom dokazivanja mjesta prebivališta odnosno boravišta na području Kantona Sarajevo. Ona ovom molbom traži od Ministarstva za boračka pitanja da pokrene usklađivanje navedenih članova Zakona o dopunskim pravima boraca Kantona Sarajevo sa Zakonom o upravnom sporu. Kopiju njene molbe zajedno sa inicijativom upućujemo Ministarstvu za boračka pitanja Kantona Sarajevo. Pitanje također prema Ministarstvu za boračka pitanja. Koliko Ministarstvo od formiranja do danas izdvojilo i uložilo sredstava u rješavanje stambenog pitanja boraca pripadnika ARBIH. I molim da se Skupštini Kantona Sarajevo dostavi spisak lica koja su ostvarila pravo na pomenuto i u kojem iznosu“.

Zastupnik Edin Forto je postavio dva zastupnička pitanja:

„Prvo pitanje je za ministara Čedomira Lukića kojeg molim za pismeni odgovor kako bih mogao prosljediti taj odgovor zainteresiranim građanima. Pitanje se tiče statusa Zakona o održavanju zajedničkih dijelova zgrada i upravljanju zgradama. To je tzv. Zakon o upraviteljima. Kao što znamo federalni Zakon o stvarnim pravima je stavio van snage Zakon o vlasničko pravnim odnosima FBiH koji je jedan od pravnih osnova za postojanje Zakona o upraviteljima. Moje pitanje za gđina Lukića je kada mislite poslati prijedlog novog Zakona o upraviteljima na ovu skupštinu. Kao što i vi gospodine ministre znate, neke od firmi, neke od upravitelja koriste, zloupotrebljavaju ovaj pravni vakum kada se radi o ovom Zakonu, neke firme koje još uvijek vrše djelatnost upravitelja. Samo Ministarstvo je tužilo za iznose od više stotina hiljada maraka. Neke firme su u stečaju, a i dalje im novci liježu na njihove račune. Znači ovo je jedna tema koja je vrlo bitna za veliki broj građana. Drugo pitanje je vezano za gđina ministra Muju Fišu kojeg molim također za pismeni odgovor. Kada će Zakon o saobraćaju u mirovanju koji godinama stoji u ladici doći na dnevni red ove Skupštine. Ako što znamo, ne trebamo posebno isticati važnost donošenja ovakvog zakonskog propisa s obzirom na probleme saobraćaja u mirovanju. Ali ono što se dešava ustvari je da neki drugi Zakoni se donose u njihovim obrazloženjima neke teme se delegiraju za taj budući Zakon o mirovanju. Znači nedavno smo kao što znate nedavno smo imali nacrt izmjene Zakona o komunalnoj čistoći kojim se predviđa ukidanje određenih stavki koje treba da tretira ovaj Zakon o

saobraćaju u mirovanju koji mi još nismo vidjeli. Pa evo moje pitanje je kada ćemo to dobiti na skupštinu?“

Zastupnik Semir Halilović je podnio dvije zastupničke inicijative:

„Jedna je za Ministarstvo zdravlja Kantona Sarajevo. Iniciram kod Ministarstva zdravstva Kantona Sarajevo da se u JU Domovi zdravlja ugradi elektronski sistem uspostavljanja reda čekanja sa brojevima zbog smanjena gužve, uspostavljanja reda i smanjenja slučajeva protekcije. Druga inicijativa, također za Ministarstvo zdravlja Kantona Sarajevo da se u svim domovina zdravlja i bolnicama istakne natpis da pored teških bolesnika i hitnih slučajeva trudnice imaju prednost u redu za čekanje što za sada nema ni u jednoj medicinskoj ustanovi u Kantonu Sarajevo.“

Zastupnik Bibija Kerla je podnijela jednu zastupničku inicijativu i jedno zastupničko pitanje:

„Moja inicijativa se odnosi na katastrofalno stanje stanica MUP-a Kantona Sarajevo. Ono što sam ja vidjela ovih dana kada sam obilazila te stanice, na žalost nisam uspjela da odem kod našeg ministra da vidim kakva je situacija tamo. Ali ono što sam ja zatekla vjerujte da sam stvarno frapirana svemu onome što sam vidjela. Odvela sam jednog stranca i vjerujte da me bilo stid kad sam ušla unutra. I zato molim ovu skupštinu da podhitno donese inicijativu da se formira komisija koja će otići i pregledati sve te institucije i da se nađu sredstva koja će se upotrijebiti da se dovede bar djelimično stanje u tim stanicama. Jer ono što imamo vjerujte da sam ja službenik te stanice, da sam službenik MUP-a kada mi neko dođe i kaže ukraden mi je mobitel do hiljadu maraka vjerujte da se ja uopšte ne bih potrudila da nađem taj mobitel jer oni sjede na stolicama koje su vjerovatno stare 30 godina. Zidovi nisu okrečeni već 20 godina a tepih ili ga ima ili ga nema. I vjerujte da čak šta više i žohari hodaju po tim sobama. I zato molim skupštinu Kantona Sarajevo da se danas izjasni o mojoj inicijativi da ovo dođe na sjednicu Vlade i da se to podhitno riješi. Pod broj jedan.

Pod broj dva, poslaničko pitanje, to ću dostaviti pismeno našoj ministrici zdravstva. Hvala lijepo.“

Poslanik/zastupnik Predrag Kojović je obnovio svoje zastupničko pitanje:

„Ja bih prvo izrazio nezadovoljstvo činjenicom da na postavljeno pitanje ili zahtjev nisam dobio odgovor, a ono je glasilo, tražio sam spisak poslanika koji se nalaze u rukovodećim strukturama javnih preduzeća i ustanova. Mislim to je dosta jednostavno pitanje, ne razumijem zašto Vlada nije odgovorila. I sada bih htio u tom tonu proširiti ovaj zahtjev. Naime, mi imamo skupštinske komisije, vi odete na web stranicu i kliknete na komisiju i vidite ko je član te komisije. Međutim kada pogledate Budžet Kantona Sarajevo onda vidite da se iz Budžeta Kantona Sarajevo ogroman, milionski iznos izdvajaju za komisije koje se osnivaju pri ministarstvima. S obzirom da se troši javni novac na ove komisije, mislim da bi isto tako bilo sasvim prirodno da odete na stranicu Vlade, kliknete na Ministarstvo i izađu vam komisije. Kliknete na komisije i izađe vam ko su članovi tih komisija. Isto tako bi smo voljeli da znamo koje su vrste naknada vezano za te ministarske komisije. Da ne bi stalno morali ponavljati ovo moje pitanje je za Vladu odnosno premijera je vrlo jednostavno jesu li to neke vrste poslovnih tajni, nešto kao priručnik za pravljenje atomske bombe ili je to nešto što on smatra da je informacija koju javnost treba da ima kao i sve druge informacije“.

Zastupnik Zvonko Marić je postavio dva zastupnička pitanje:

„Prije svega ukratko ono najvažnije u ovom vremenu koje imam na raspolaganju ću reći ono što je najvažnije ali prije toga želim da se ministrici Dautbegović zahvalim na odgovorima, na zastupnička pitanja. Moram kazati da su to jedni od rijetkih odgovora koja su zaista sadržana i

u to ime hvala. Također i gđinu Juski napokon iz MUP-a sam dobio zadovoljavajući odgovor kao i od vas predsjedavajuća. Moram kazati da prije toga sam samo od gđina Kazazovića dobio i to u vidu intervencije reagiranja pravovremenog na ono pitanje koje sam postavio što je važnije daleko od mog pitanja i odgovora na to pitanje i kao i tužiteljici Burzić. Sve ostalo je ispod dostojanstva i vrijeđanja ljudske inteligencije. Na neka pitanja i po godinu dana nisam dobio odgovore. Također i ministru Nenadiću moram se zahvaliti na detaljnom izvještaju, ali sada ću postaviti konkretno pitanje za premijera Kantona Sarajevo gđina Konakovića. Odnosi se na dječja obdaništa Sarajevo. Tamo već devet mjeseci nema mlijeka za djecu što je vrlo poražavajuće i roditelji se zaista žale. Na vodi se recimo pravi pura to je ispod svakog nivoa. I druga stvar niko nije odgovarao za ono trovanje a toliko smo raspravljali o tome. Nemamo neke povratne informacije. Jednako kao ni o tome kada se vrši upis 500 djece je doživjelo odliv zbog pogrešno raspisanog konkursa i ta djeca su se odlila u privatna obdaništa. I ona se nikada neće vratiti a šteta je pričinjena oko 100.000 KM. Mora kazati i to da je kolegica iz DF-a također govorila o cijeni boravka djece u obdaništu. Za 20 KM je skuplje i roditelji su očekivali da će dobiti četvrti obrok djeca u obdaništima, međutim to se nije desilo već neka donacija jabuka po jedna kriška se dijelila na tri dijela što je zaista ispod svakog nivoa. Ne trebam podsjećati da je resorna ministrica Margaret Tačer svojevremeno zbog redukcije, reduciranja količine mlijeka morala da podnese ostavku. I to je vrlo ozbiljan problem. I mislim da u toj ustanovi ima dosta posla da se uradi i volio bih da to bude na najbolji mogući način. Na koncu, vrlo kratko pa ću obrazložiti pismeno, drugo pitanje vezano za poticaj Ministarstva privrede. Posebice za područje Hadžića i Novog Grada. Zato molim da mi se detaljno dostave podaci koja su pravna i fizička lica dobila te poticaje. Rekao sam još jednu rečenicu predsjedavajuća. I pravna i fizička lica. Ne pitam slučajno. Raspoložem tim podacima i uz to da za svakog ponaosob se navedene koliko je prije toga imalo grla stoke, koliko sada i molim vas da mi se to dostavi u pismenoj formi ti svi podaci koje tražim“.

Zastupnik Amel Mekić je postavio jedno zastupničko pitanje:

„Pitanje za ministra, gđina Senada Hasanspahića. Pošto smo svjedoci kolapsa gradskog saobraćaja u dva vremenska intervala u toku dana, pogotovo u jutarnjoj špici od 07,30 do 08,30 kada svi žure na posao da se dispečerima u JKP Rad, posebno naglasi ili stavi zabrana odvoza smeća od 07,30 do 08,30 pogotovo u Općinama Stari Grad i Općini Centar gdje su ulice preuske i gdje je nemoguće mimoilaženje vozila“.

Zastupnik Safet Mešanović je obnovio svoje zastupničko pitanje:

„Ja ću se ponovo vratiti na jedno pitanje koje je zaista od suštinske važnosti za cijeli Kanton. Radi se o gradskoj deponiji. Prije nekih cca 2 mjeseca sam postavio isto pitanje šta se dešava s gradskom deponijom i tada smo dobili odgovor od ministara Čedomira Lukića. Taj odgovor je bio tačan ali je bio djelomičan. Ja pred sobom imam dopis Federalne uprave za inspeksijske poslove koja je ovaj dopis poslala Vladi Kantona Sarajevo 30.11.2015.godine i u ovom se izvještaju inspekcije kaže: nakon niza prijava građana o zagađenju zraka na lokaciji Boljakov potok i šire inspektor zaštite okoliša u inspekcijom nadzoru dana 16.11.2015.godine utvrdio da su pritužbe građana opravdane jer je:

Pod broj 1 i ono što je ministar Lukić rekao, što je tačno, sistem za otplinjavanje uništen. Iz razloga zato što je Tužilaštvo BIH a na traženje Instituta za nestale osobe na lokaciji Deponije vršen iskopi čime je oštećena instalacija za otplinjavanje. Plinovi nastali sagorijevanjem otpada su ranije korišteni za spaljivanje i proizvodnju električne energije, odnosno spaljivani su na kontrolnoj baklji. Sada kada je taj sistem oštećen i uništen plinovi se slobodno kreću po čitavom kantonu i imamo pored nesnosnog smrada imamo i sigurno zagađenje zraka. Ono što mi nismo dobili kao odgovor a to je pod broj 2

Projekat prečišćavanja otpadnih procijedih voda nije dovršen. Taj projekat, u njega je uložena su ogromna sredstva, on nikada nije dovršen i nikada nije stavljen u funkciju. I danas dan procjedne vode se slijevaju u kolektor ili bilo kakvu kanalizaciju kako to ovdje inspektor kaže. Tu nema nikakvog kolektora, nikakve kanalizacije, tu postoji jedan potok koji izlazi iz same deponije i koji je zagađen u toj mjeri u njemu ne da nema nikakvih živih bića nego je to jedna ekološka bomba.

Treće. Predsjedavajuća ako ćete me prekidati ja ću zahtijevati, molim vas minut još ako mi date da me ne prekidate, ako je moguće“.

Predsjedateljica je upozorila zastupnika Mešanovića na vrijeme od tri minute, međutim zasutpnik je zamolio samo da privede kraju vrlo važno objašnjenje.

Zastupnik Safet Mešanović:

„Molim vas ovo je toliko važno pitanje gdje je zaista u pitanju zdravlje naših građana pa vas stoga molim da me ne prekidate možda još minut. Ne provodi se monitoring plinova nastalih u procesu sagorijevanja otpada. I to je treća tačka gdje inspektor ovdje kaže da se u tom dijelu ništa nije uradilo. Ja ovdje tražim i molim evo premijera Kantona Sarajevo da se formira jedan tim koji će pratiti djelovanje Vlade Kantona i resornog ministarstva u cilju pogoršanja odlaganja otpada na gradskoj deponiji gdje će u tom timu biti predstavnici građana i gdje ćemo u svakom momentu znati šta se dešava, ovako nakon izvještaja ministra Lukića mi iza toga ne znamo šta se više dešava. Dokle se stiglo sa tim. Hvala vam lijepo. U pismenoj formi ću predati“.

Zastupnik Elvedin Okerić je postavio jedno zastupničko pitanje i jednu inicijativu.

„Pitanje glasi i odnosi se na MUP. Na našim ulicama primjetan je veliki broj ilegalnih taksi vozila koji su nelojalna konkurencija legalnim taksi vozačima. Te samim tim krše zakonske procedure Kantona Sarajevo. Novim zakonom MUP-a koji je donesen u prošloj godini određena je nadležnost kontrolisanja taksi vozača. Pitanje glasi: kakve radnje MUP Kantona Sarajevo poduzima po ovom pitanju?

Inicijativa glasi: svjedoci smo uznemirujuće odluke VSTV BIH gdje se zabranjuje isticanje vjerskih obilježja u pravosudnim institucijama BIH između ostalog i nošenje hidžaba marame. Ovo je teška povreda ljudskih prava i vjerskih sloboda u BIH. Iako je ovo pitanje zagarantovano univerzalnom Deklaracijom UN-a o zaštiti ljudskih prava, Evropskom konvencijom za zaštitu ljudskih prava i osnovnih sloboda, Zakonom o zabrani diskriminacije kao i Ustavom BIH u kojima je precizno stoji da svi ljudi imaju pravo na slobodu vjeroispovijesti, da imaju pravo da javno ispoljavaju kao što su molitve, običaji i obredi. Nošenje hidžaba, marame nije vjersko obilježje kao što je navedeno u odluci, već propisana islamska dužnost, koja daje identitet ženi islamske vjeroispovijesti. Najoštrije osuđujemo odluku VSTV BIH koje je donijelo diskriminacijsku odluku bez prethodnih analiza i provođenja šire javne rasprave na ovu osjetljivu temu. Sporna odluka djeluje ponižavajuće na naše majke i sestre koje su personifikacija čistog i moralnog. Ovo je direktan udar na integritet žene Bošnjakinje koja kroz historiju ima nemjerljivu ulogu u opstanku Bošnjaka i BIH. A posebno u protekloj agresiji gdje je podnijela najveća moguća poniženja i torture, upravo zbog ovakvi i sličnih ideja ona je ipak ostala dostojanstvena i visoko moralna u društvu u kojem živimo. Ovo je samo još jedan pokazatelj moralne krize u kojoj živimo i gdje se vodi bespoštedna i nepravedna borba između moralnih i nemoralnih vrijednosti našeg društva koja se manifestuje kroz nedostatak obaveze i odgovornosti ljudi koji obnašaju odgovorne funkcije. Pozivam VSTV BIH da odmah povuče odluku o zabrani nošenja vjerskih obilježja zaposlenim u pravosudnim institucijama i preispita ishitrenost njenog donošenja iz

koje je proizašla direktna povreda ljudskih prava i vjerskih sloboda. Tražim od Skupštine Kantona Sarajevo da se izjasni po mojoj inicijativi“.

Zastupnik Rasim Smajić je obnovio svoja zastupnička pitanja:

„Ja nemam novo pitanje, inicijativu, imam pitanje za ministra za prostorno uređenje i okoliš zašto mi nisu odgovorili na moje postavljeno poslaničko pitanje na prošloj sjednici, tj 10. radnoj sjednici. Zašto mi nije odgovoreno, da mi usmeno odgovori danas. Gospodin Muharem Fišo mi je maloprije u hodniku odgovorio da je poslao moje zastupničko pitanje i da je negdje zapelo u Skupštinskoj službi pa bih volio da neko iz Skupštinske službe kaže gdje je to zastupničko pitanje koje sam postavio na prošloj sjednici“.

Zastupnik Segmedina Srna Bajramović je postavila jedno zastupničko pitanje:

„Naime proteklih dana u javnosti se govori o najvaljenom pripajanju javne zdravstvene ustanove Opće bolnica „Prim. Dr. Abdulah Nakaš“ Sarajevo UKCS te se plasiraju različite kontraverzne informacije koje nisu zasnovane na zakonima iz ove oblasti. Naime, plasiraju se informacije da je premijer FBiH dogovorno sa premijerom Kantona Sarajevo zaključio da se ide sa projektom pripajanja ove dvije bolnice. Za početak želim istaći da se o ovom važnom pitanju ne može razgovarati i zaključivati na nivou premijera FBiH, premijera Kantona Sarajevo bez strateškog opredjeljenja o ovom projektu na nivou Vlada. Interesira me da li se o ovom projektu izjasnila Vlada Kantona Sarajevo te koji su zaključci po istom. I radi informisanja ovog doma kao i sveukupne javnosti želim podatke i o sljedećem:

- a) kakva je zaštita prava radnika iz radno-pravnog odnosa koji su uposlenici bolnice koja se pripaja drugoj zdravstvenoj ustanovi? Ovo iz razloga jer su uposlenici JU Opća bolnica Prim.dr Abdulah Nakaš s pravom uplašeni za svoj radnopravni status. Govori se da im se traži da sporazumno podnesu zahtjev za prestanak radnog odnosa uz obećanje da će nastaviti svoj radnopravni status u KCUS.
- b) kako na ovo pitanje gledaju u Vladi Kantona Sarajevo s obzirom da je Vlada donijela zaključak o zabrani prijema novih uposlenika i u JU a isto je donijeto i na nivou privremenog UO UKCUS.“

Zastupnik Mario Vukasović je podnio dvije zastupničke inicijative:

„Prva inicijativa se tiče odgovora koji sam dobio na dio moje inicijative sa prošle sjednice odnosno da se provjere navodi o krivičnim djelima u JU Studentski centar. Pa ovako na osnovu odgovora koji sam dobio za prošlu inicijativu podnosim inicijativu da Tužilaštvo Kantona Sarajevo pokrene krivični postupak protiv direktora JU Studentski centar zbog otkrivenih nepravilnosti prilikom zapošljavanja a koji je otkrio nedavni inspeksijski nalaz nakon pretpošle sjednice. Za KUIP Kantona Sarajevo s obzirom da je indikativno da ima uočeno mnogo nepravilnosti prilikom zapošljavanja u ovoj ustanovi tražim da KUIP ispita sva zapošljavanja u toku mandata direktora Kadrića, a za koje je direktor Kadrić ponosno izjavio a ih ima preko 200 u njegovom mandatu. Također tražim da finansijska inspekcija izvrši detaljnu finansijsku kontrolu poslovanja preduzeća a posebno dio koji se odnosi na isplate putem studentskih naloga. Potrebno je ispitati navode da izgrađeni teniski tereni nemaju potrebne dozvole za izgradnju upotrebu. Također molim Vladu Kantona Sarajevo da zatraži od Studentskog centra i dostavi zastupnicima sve ugovore koje JU sklopila za najam prostora kao i da nam se dostavi detaljan uvid u prihode od najma te na šta se troši taj novac. Podsjećamo da ova JU nema pravo vršiti najam prostora bez odobrenja Vlade Kantona Sarajevo te me interesuje također da li postoje ta odobrenja?

Druga inicijativa je upućena Ministarstvu za obrazovanje nauku i mlade Kantona Sarajevo, Ministarstvo za rad socijalnu politiku, raseljena lica i izbjeglice Kantona Sarajevo. Podnosim inicijativu da se sačini službena i detaljna analiza o stanju zaposlenosti mladih u Kantonu

Sarajevo. I ove godine je Kanton Sarajevo izdvojio dio budžeta za aktivne politike zapošljavanja mladih. Svi pokazatelji nam govore da su ove aktivne politike zapošljavanja izuzetno neefikasne za starije ili da Kanton Sarajevo svake godine zapravo baci jednu ogromnu količinu novca jer ove politike ne poluče željene rezultate. Ovi programi su izuzetno neefikasni što je pokazao izvještaj revizije učinka po nazivu Upravljanje programima zapošljavanja mladih, rađen od strane Ureda za reviziju institucija FBiH prije nekoliko godina. Ova analiza nam je potrebna kako bi uvidjeli dosadašnje efekte politika zapošljavanja“.

Dio odgovora na postavljena pitanja za koje su zastupnici tražili usmeni odgovor dali su premijer Elmedin Konaković, ministri Čedomir Lukić i Muharem Fišo.

Nakon iznošenja zastupničkih pitanja i inicijativa, predsjedateljica Ana Babić je dala na glasovanje inicijativu zastupnika Elvedina Okerića koji se odnosi na Zaključak VSTV o zabrani vjerskih obilježja u institucijama pravosudnih organa.

Inicijativa je usvojena većinom glasova (27 „ZA“).

Na zahtjev zastupnika Dževada Rađe, predsjednika Kluba SBB-a, predsjedateljica je dala pauzu od sat vremena za ručak.

NASTAVAK NAKON PAUZE

Nakon pauze, predsjedateljica je zamolila zastupnike da se izjasne o inicijativi zastupnice Sabine Čudić koja se odnosi na formiranje interresorne grupe za utvrđivanje potreba osoba sa invaliditetom.

Inicijativa je usvojena većinom glasova (27 „ZA“).

Zastupnici su se potom izjasnili o inicijativi zastupnice Bibije Kerle koja se odnosi na formiranje komisije za utvrđivanje činjeničnog stanja u prostorijama policijskih uprava Kantona Sarajevo.

Inicijativa je usvojena jednoglasno (27 „ZA“).

AD – 2.

PRIJEDLOG ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO (SKRAĆENI POSTUPAK)

Predsjedateljica je u skladu sa članom 158. stav 2. Poslovnika Skupštine Kantona Sarajevo pozvala predstavnika Predlagača da ukratko obrazloži razloge za donošenje ovog Prijedloga zakona po skraćenom postupku.

Premijer Vlade Kantona Sarajevo je obavijestio prisutne zastupnike da Vlada ovaj Zakon povlači zbog nekih nedoumica oko rada inspeksijskih organa.

Prešlo se na razmatranje tačke tri.

AD – 3.

PRIJEDLOG ZAKONA O IZMJENAMA I DOPUNAMA ZAKONA O POZORIŠNOJ DJELATNOSTI (SKRAĆENI POSTUPAK)

Predsjedateljica je u skladu sa članom 158. stav 2. Poslovnika Skupštine Kantona Sarajevo pozvala predstavnika Predlagača da ukratko obrazloži razloge za donošenje ovog Prijedloga zakona po skraćenom postupku.

Ministar kulture i sporta Mirvad Kurić je dao kratko obrazloženje. Nije bilo postavljenih pitanja a u diskusiji je učestovala zastupnica Sabina Ćudić. Odgovore zastupnici su dali ministar Mirvad Kurić i premijer Elmedin Konaković.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O POZORIŠNOJ DJELATNOSTI. SKUPŠTINA JE DONIJELA ZAKON O IZMJENAMA I DOPUNAMA ZAKONA O POZORIŠNOJ DJELATNOSTI.

AD – 4.

NACRT ZAKONA O PLAĆAMA I NAKNADAMA ČLANOVA ORGANA UPRAVLJANJA I DRUGIH ORGANA INSTITUCIJA KANTONA SARAJEVO, KANTONALNIH JAVNIH PREDUZEĆA I JAVNIH USTANOVA ČIJI JE OSNIVAČ KANTON Sarajevo

Zastupnici su dobili Nacrt zakona uz poziv za sjednicu. Ministar pravde i uprave Mario Nenadić je podnio uvodno izlaganje.

U diskusiji koja je potom uslijeda učestvovali su zastupnici: Rasim Lakota, Predrag Kojović, Mirsad Pindžo, Semir Halilović, Segmedina Srna Bajramović, Edin Forto, Zvonko Marić, Amel Mekić i Slaviša Šučur.

Predsjedateljica je zaključila diskusiju, a prisutnima su određene odgovore pružili ministar Mario Nenadić i premijer Elmedin Konaković.

Skupština je jednoglasno (32 „ZA) po Nacrtu zakona o plaćama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, donijela sljedeće Zaključke:

- 1. Utvrđuje se Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo;*
- 2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 10 dana.*
- 3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
- 4. Vlada Kantona Sarajevo dužna je da nakon provedene javne rasprave podnese Skupštini Izveštaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o plaćama i naknadama članova organa*

upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo.

SKUPŠTINA JE VEĆINOM GLASOVA (32 „ZA“) USVOJILA NAVEDENE ZAKLJUČKE.

AD – 5.

PRIJEDLOG ZAKONA O IZMJENI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO (HITNI POSTUPAK)

Zastupnici su Prijedlog zakona dobili uz poziv za sjednicu. Zastupnik Edin Forto, predlagač izmjena Zakona je dao uvodno obrazloženje.

Pitanja predlagaču su postavili zastupnici Mirza Čelik, Rasim Smajić, Bibija Kerla i Safet Mešanović.

Zastupnik Predrag Kojović je imao poslovnčku intervenciju u smislu vraćanja pitanja i diskusije zastupnika u okviru tačke dnevnog reda.

U diskusiji su učestvovali zastupnici: Mirza Čelik, Predrag Kojović, Sabahudin Delalić, Mirsad Pindžo.

PREDSJEDATELJICA JE POZVALA ZASTUPNIKE DA SE IZJASNE O PRIJEDLOGU ZAKONA O IZMJENI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO.

SKUPŠTINA (12 „ZA“, „SUZDRŽAN 21“) NIJE PODRŽALA ZAKON O IZMJENI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO .

AD – 6.

NACRT ZAKONA O NAUČNOISTRAŽIVAČKOJ DJELATNOSTI

Zastupnici su Nacrt zakona dobili uz poziv za sjednicu. Predstavnik Predlagača, ministar za obrazovanje, nauku i mlade, Elvir Kazazović, je podnio uvodne napomene.

U diskusiji su učestvovali zastupnici: Dževad Rađo, Mario Vukasović, Slaviša Šućur, Segmedina Srna Bajramović.

Odgovore na diskusije zastupnika su dali ministar Elvir Kazazović i premijer Elmedin Konaković.

Skupština je jednoglasno (27,„ZA“) po Nacrtu zakona o naučnoistraživačkoj djelatnosti donijela sljedeće Zaključke :

1. *Utvrđuje se Nacrt zakona o naučnoistraživačkoj djelatnosti;*

2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o naučnoistraživačkoj djelatnosti.*

AD – 7.

PRIJEDLOG PROGRAMA RADA SKUPŠTINE KANTONA SARAJEVO ZA 2016. GODINU

Prijedlog Programa rada zastupnici su dobili u dopunskom materijalu. Predsjedateljica je u ime Predlagača, odnosno Kolegija Skupštine, iznijela uvodne napomene.

Kako nije bilo prijavljenih za pitanja ili diskusiju, predsjedateljica je zaključila raspravu i pozvala zastupnike da se izjasne o Prijedlogu programa rada Skupštine Kantona Sarajevo za 2016 godinu.

SKUPŠTINA JE JEDNOGLASNO (26 „ZA“) DONIJELA PROGRAM RADA SKUPŠTINE KANTONA SARAJEVO ZA 2016.GODINU.

AD – 8.

- a) **PRIJEDLOG ODLUKE O DAVANJU SAGLASNOSTI ZA RAZRJEŠENJE VRŠIOCA DUŽNOSTI PREDSJEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO**
- b) **PRIJEDLOG ODLUKE O DAVANJU SAGLASNOSTI ZA IMENOVANJE VRŠIOCA DUŽNOSTI PREDSJEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO**

Zastupnici su prijedloge odluka dobili u dopunskom materijalu. Predsjedateljica je predložila, obzirom da se radi o istim pravnim subjektima, da se provede jedinstvena rasprava po ovim odlukama, a izjašnjavanje pojedinačno po tačkama a i b, što su zastupnici jednoglasno i podržali (21 „ZA“).

Kako nije bilo prijavljenih zastupnika za pitanja ili diskusiju, predsjedateljica je pozvala zastupnike na izjašnjavanje po podtačkama.

a)
SKUPŠTINA JE VEĆINOM GLASOVA (21 „ZA“) DONIJELA ODLUKU O KE O DAVANJU SAGLASNOSTI ZA RAZRJEŠENJE VRŠIOCA DUŽNOSTI PREDSJEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO

b)

SKUPŠTINA JE VEĆINOM GLASOVA (20 „ZA“) DONIJELA ODLUKU O DAVANJU SAGLASNOSTI ZA IMENOVANJE VRŠIOCA DUŽNOSTI PREDSJEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO

AD – 9.

PRIJEDLOG ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Zastupnici su Prijedlog odluke dobili uz poziv za sjednicu i smatrali su da nije potrebno uvodno izlaganje od strane Predlagača. Nije bilo prijavljenih za pitanja ili diskusiju.

SKUPŠTINA JE VEĆINOM GLASOVA (23 „ZA“) DONIJELA ODLUKU O O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

AD – 10.

IZVJEŠTAJ O IZVRŠENJU BUDŽETA KANTONA SARAJEVO ZA PERIOD 01.01. DO 31.12.2014. GODINE

Izvještaj su zastupnici dobili u dopunskom materijalu. Po mišljenju zastupnika nije bilo potrebe da predstavnik Predlagača podnese uvodne napomene.

U diskusiji je učestvovala zastupnica Mersiha Mehmedagić.

Predsjedateljica je pozvala zastupnike da se izjasne o ovom Izvještaju. Nakon izjašnjenja, Izvještaj nije dobio potrebnu većinu (17 „ZA“).

Obzirom da je izražena sumnja u glasanje, predsjedateljica je provela pojedinačnu prozivku zastupnika.

SKUPŠTINA JE (19 „ZA“) USVOJILA IZVJEŠTAJ O IZVRŠENJU BUDŽETA KANTONA SARAJEVO ZA 2015.GODINU.

AD –11.

4. IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2013. GODINU;

5. IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2014. GODINU

Zastupnici su navedene izvještaje dobili uz poziv za sjednicu.

Prihvaćen je prijedlog predsjedateljice da se po ovim Izvještajima provede jedinstvena rasprava, a izjašnjavanje pojedinačno. Po mišljenju zastupnika nije bilo potrebe da predstavnik Predlagača podnese uvodne napomene.

Učešće u diskusiji uzeli su zastupnici: Zvonko Marić, Neira Avdibegović i Semir Halilović.

a)

SKUPŠTINA NIJE USVOJILA IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2013. GODINU

b)

SKUPŠTINA NIJE USVOJILA (6“ZA“) IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2014. GODINU

AD – 12.

a) **IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2013. GODINU;**

b) **IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2014. GODINU**

Zastupnici su izvještaje dobili uz poziv za sjednicu.

Kao i prethodnim tačkama, zastupnici su podržali prijedlog predsjedateljice da se vodi jedinstvena rasprava a pojedinačno izjašnjavanje.

U diskusiji koja je potom uslijedila učestvovali su zastupnici: Slaviša Šućur, Bibija Kerla, Zvonko Marić i Amar Dovadžija.

Nakon zaključivanja diskusije, predsjedateljica je pozvala zastupnike da se izjasne po podtačkama.

a)

SKUPŠTINA JE USVOJILA IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2013. GODINU.

b)

SKUPŠTINA JE VEĆINOM GLASOVA (23 „ZA“) USVOJILA IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2014. GODINU.

Zastupnik Mirza Čelik je predložio, a zastupnici prihvatili, da se zbog gubitka koncentracije zastupnika sjednica prekine i nastavak zakaže u dogledno vrijeme.

Predsjedateljica je zaključila sjednicu u 17,21 sati.

Zapisnik izradila:

Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić

SKUPŠTINA KANTONA SARAJEVO

**ZAPISNIK SA
NASTAVKA 11. RADNE SJEDNICE SKUPŠTINE KANTONA
SARAJEVO, ODRŽANE 10.02.2016. GODINE SA POČETKOM RADA
U 10,00 SATI**

Sarajevo, FEBRUAR 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Mašović Amor
7. Kozadra Muhamed
8. Okerić Elmedin
9. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Mehmedagić Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Lakota Rasim
4. Marić Zvonko
5. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Slaviša Šućur
2. Srna Bajramović Srna

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel

TOK SJEDNICE

Nastavak 11. Radne sjednicu Skupštine Kantona Sarajevo 10. februara 2016.godine u 10,00 sati, otvorila je predsjedateljica Ana Babić.

Prema evidenciji Službe sjednici su na otvaranju prisustvovala 32 poslanika/zastupnika, što je dovoljan broj za punovažan rad i odlučivanje, a kašnjenje je najavio poslanik/zastupnik Safet Mešanović.

Predsjedateljica je podsjetila prisutne da se na prethodnom zasjedanju koje je održano 01.02.2016.godine obradilo dvanaest tačaka Dnevnog reda, te su tako preostale sljedeće tačke:

13.

- a) Izvještaji o poslovanju KJKP "Rad" d.o.o. i KJKP "Sarajevogas" d.o.o., za 2013.godinu;
- b) Izvještaji o poslovanju KJKP „Tržnice i pijace“ d.o.o., KJKP „Rad“ d.o.o., i KJKP „Sarajevogas“ d.o.o., za 2014.godinu;

14. Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo.

Predsjedateljica je iskoristila priliku i napomenula da je tehničkom greškom na pozivu koji su zastupnici dobili za nastavak ove radne sjednice redni brojevi 8 i 9, greškom upisani umjesto 13 i 14.

Zatim se prešlo na razradu preostalih tačaka dnevnog reda.

AD – 13.

- a) **IZVJEŠTAJI O POSLOVANJU KJKP "RAD" D.O.O. I KJKP "SARAJEVOGAS" D.O.O., ZA 2013.GODINU;**
- b) **IZVJEŠTAJI O POSLOVANJU KJKP „TRŽNICE I PIJACE“ D.O.O., KJKP „RAD“ D.O.O., I KJKP „SARAJEVOGAS“ D.O.O., ZA 2014.GODINU;**

Navedene izvještaje zastupnici su dobili za sjednicu.

Kao i prethodnim tačkama, predsjedateljica je predložila da se po ovim izvještajima provede jedinstvena rasprava, a izjašnjavanje pojedinačno o svakoj tački, što su zastupnici jednoglasno i podržali (32 „ZA“).

Po mišljenju zastupnika nije bilo potrebe za uvodnim izlaganjem, nije bilo pitanja predlagaču kao i ni prijavljenih za diskusiju.

Pristupilo se izjašnjavanju po podtačkama.

a)
SKUPŠTINA JE VEĆINOM GLASOVA (21 „ZA“) USVOJILA IZVJEŠTAJ O POSLOVANJU KJKP "RAD" D.O.O. ZA 2013. GODINU

-0-

SKUPŠTINA JE VEĆINOM GLASOVA (20 „ZA“) USVOJILA IZVJEŠTAJ O POSLOVANJU KJKP "SARAJEVOGAS" D.O.O., ZA 2013.GODINU

b)

SKUPŠTINA JE VEĆINOM GLASOVA (19 „ZA“) USVOJILA IZVJEŠTAJ O POSLOVANJU KJKP „TRŽNICE I PIJACE“ D.O.O. ZA 2014 GODINU.

- 0 -

SKUPŠTINA JE VEĆINOM GLASOVA (21 „ZA“) USVOJILA IZVJEŠTAJ O POSLOVANJU KJKP "RAD" D.O.O. ZA 2014.GODINU.

- 0 -

SKUPŠTINA JE VEĆINOM GLASOVA (19 „ZA“) USVOJILA IZVJEŠTAJ O POSLOVANJU KJKP "SARAJEVOGAS" D.O.O. ZA 2014.GODINU.

Zatim se prešlo na razradu 14. tačke dnevnog reda.

AD – 14.

IZVJEŠTAJ MINISTARSTVA SAOBRAĆAJA KANTONA SARAJEVO O BROJU DOPUNSKIH TAKSI OZNAKA U KANTONU SARAJEVO

Po ovom Izvještaju zastupnici su smatrali da nema potrebe za uvodnim izlaganjem jer su dobili sva potrebna objašnjenja u materijalu. Nije bilo pitanja kao ni prijavljenih za diskusiju, pa se prešlo odmah na izjašnjavanje.

SKUPŠTINA JE VEĆINOM GLASOVA (30 „ZA“) USVOJILA IZVJEŠTAJ MINISTARSTVA SAOBRAĆAJA KANTONA SARAJEVO O BROJU DOSTUPNIH TAKSI OZNAKA U KANTONU SARAJEVO

Kada su se iscrpile sve tačke dnevnog reda, shodno zaključku Skupštine sa zasjedanja održanog 01.02.2016.godine, predsjedateljica je napomenula prisutne da će se razmatrati također i informativni materijal, koji je dostavljen zastupnicima u materijalima, i to:

- a) Izvještaj o zaduženju Kantona Sarajevo kod Sberbank d.d. Sarajevo broj: JN-ZP-08-01-14-18572-19/15, koji je podnio ministar finansija Kantona Sarajevo;
- b) Informacija Ministarstva za obrazovanje, nauku i mlade Kantona Sarajevo o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
- c) Informacija Ministarstva za rad, socijalnu politiku, raseljena lica i izbjeglice Kantona Sarajevo o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
- d) Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period decembar 2015. godine.

- e) Informacija Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016., o učinjenim mjerama koje su predviđene navedenim Akcionim planom

Predsjedateljica je pozvala zastupnika Mirzu Čelika, s obzirom da je on insistirao na prekidu 11. Radne sjednice kako bi se posvetili temeljito navedenim informacijama, da obrazloži svoj prijedlog.

Zastupnik Mirza Čelik je u svom obraćanju pozvao podnosiocima navedenih izvještaja; Ministarstvo za rad i socijalnu politiku, raseljena lica i izbjeglice Kantona Sarajevo, Tim za implementaciju Akcionog plana za prevenciju maloljetničkog prijestupništva i rad sa maloljetnicima, Ministarstvo za obrazovanje, nauke i mlade Kantona Sarajevo da upoznaju zastupnike i javnost o predloženim i poduzetim mjerama po ovim pitanjima.

Zastupnici su većinom glasova (22 „ZA“) podržali prijedlog predsjedateljice da se vodi objedinjena rasprava o svim izvještajima.

Uvodna izlaganja iznijeli su: ministar obrazovanja, nauke i mladih *Elvir Kazazović*, ministrica za rad i socijalnu politiku, raseljena lica i izbjeglice *Amela Dautbegović* i zastupnik *Elvedin Okerić*, kao član Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom, kao i ministar unutrašnjih poslova *Ismir Jusko*.

U diskusiji koja je potom otvorena učesnici su uzeli zastupnici: *Zvonko Marić, Amel Mekić, Segmedina Srna Bajramović, Sabina Ćudić, Semir Halilović, Eldar Čomor, Kemal Ademović, Izudin Bajrović, Muhamed Kozadra, Slaviša Šućur, Ana Babić, Hamed Aljović.*

Premijer Vlade Kantona Sarajevo Elmedin Konaković se potom obratio prisutnima i dao određena pojašnjenja i obrazložio aktivnosti koje poduzima Vlada Kantona Sarajevo po ovom pitanju.

Obzirom da nije bilo više prijavljenih za diskusiju, predsjedateljica je zaključila rad na nastavku 11. Radne sjednice u 13,07 sati.

Zapisnik izradila:

Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić